

近代中國史料叢刊第五十一輯

沈雲龍 主編

庸菴尚書奏議

陳夔龍著  
俞陛雲編

文海出版社印行

庸  
盦  
尚  
書  
奏  
議

王  
劉  
運  
題

庸 庸  
書 奏  
議 尚

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件宣传广告页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



宣統辛亥  
王闓運著

序

貴陽陳被石尙書余乙亥丙戌同歲生也同官京朝不知良會  
之爲樂遠余一麾出守 公駸駸大用敷歷封圻宦轍屢遷初  
未合并余歸田之次年薄游漢上 公方持節是邦始復相見  
公被服備素無翁翁豪侈習武昌筦天下樞自京漢軌通屹  
爲京師外屏比漢三輔又爲泰東西諸國商旅輻輳地職務填  
委甲於他行省余不時渡江清言移晷挹其風度靜穆冲和有  
事外遠猷詩簡往來如響斯答其於政事之游刃有餘可知矣  
別不二歲海內雲擾而肇端於漢上不自意得於滬濱再相見  
余老矣 公亦憔悴特甚扶病酬對情日益親迺憶東華舊游  
忽忽如夢莊子有言逃虛空者聞人足音蹙然而喜況平生故

人相逢於滄桑之後也邪今年秋 公刻奏議若干卷成屬爲之序余讀之而有感矣姚惜抱氏謂奏議類者蓋唐虞三代陳說其君之辭漢以來有表奏疏議上書封事之異名其實一類此奏議所由昉也按其體例於今日已如弁髦之劇棄鑿柄之不兩容止以存過去之歷史而已余得副貢於光緒初元其解皖撫任之歲

德宗棄羣臣是余仕宦進止與光緒一朝相終始 公投棄簪紱則於辛亥季冬是有

清一代文章以此爲終篇且非惟一代已也蓋結歷史五千年之局能不悲哉庚子

翠華西狩 公崎嶇兵間彈壓輦轂轉漕淮南雖宜力於外與

陸敬輿之屬從異用同功其治我蘇也徐方告饑 公與溷陽  
尙書殫心救民民被其賜頡頏湯張至今稱之其治豫也如治  
蘇豫民之稱之也亦與我蘇同南皮相國督鄂久百度恢張力  
補氣器 公承其後壹意與民休息恥赫赫名蕭規曹隨不爲  
苟異遇大利害亦不爲苟同得古大臣體踵 公後者張峽值  
興卒以覆車誤國於戲人之度量相去豈不遠哉 公榮觀超  
然夙懷退志結廬西湖上有右軍誓墓之思焉及其督直隸也  
天下洶洶論議蓋起如病見敗徵人人自以爲盧扁爭獻方藥  
聲望欲躐 公上及武漢事起土崩瓦解棄城而圖存者相望  
也日暮途窮倒行逆施者不可一二數 公坐鎮津門京師晏  
如無兵革之警其賢不肖何如哉當是時傾覆帝制之聲盈天



下如火燎原不可嚮邇有效孤忠者幾於舉世非之 公獨以  
隻身犯大難可謂傲然不欺其志者矣子思之言曰如彼去君  
誰與守 公拳拳此義特立獨行至

兩宮敵媿天下乃反初服雖天之報施善人卒亦其忠誠之素  
所蘊蓄者有以感召之也易曰修辭立其誠 公文有焉讀此  
篇者當不河漢斯言癸丑重九金壇馮煦

序

庸盦尙書既退居滬濱乃輯生平數歷所得奏議區爲十六卷授刊竟命三立序其端竊維國家興廢存亡之數有其漸焉非一朝夕之故也有其幾焉謹而持之審慎而操縱之猶可轉危而爲安銷禍萌而維國是也吾國自光緒甲午之戰畢始稍言變法當是時昧於天下之大勢怙其私臆激盪馳驟愛憎反覆迄於無效且召大變窮無復之遂益探鷲淺之說用矯誣之術以塗飾海內外耳目於人才風俗之本先後緩急之程一不關其慮而節鉞重臣號爲負時望預國聞者亦復奮舌摩掌揚其瀾而張其焰曲徇下上狂逞之人心翹然以自異於是人紀之防墮滔天之象成而大命隨之矣是故今日禍變之極肇端雖

不一轍而由於高位厚祿士大夫不過其漸不審其幾揣摩求合無特立之節蓋十而六七也豈不痛哉 尙書當官京兆時值庚子禍作躬捍大難旋督濟淮上遷河南江蘇巡撫擢督湖廣最後爲直隸總督其爲治務培國本恤民隱凡所敷陳常持大體度勢所能行不欺其志於預備立憲政列上諸疏尤言人所不敢言往者三立從湘陰郭筠仙侍郎游侍郎以爲中國侈行新政尙非其人非其時輒引青城道人所稱爲國家致太平與養生求不死皆非常人所能且當守國使不亂以待奇才之出衛生使不夭以須異人之至鄭重低徊以寄其意侍郎世所目爲通中外之略者也其所守如此時少年盛氣頗忽而不察今而知老成曠言百里驗若善蔡爲不可易乃觀於 尙書疏

語中往復於重綱紀挽學術誠變更之繁匡淺躐之弊類皆切  
摯憇直孤忠霽霽有可揭日月而泣鬼神者嗚呼其於青城道  
人守國使本亂之旨儻有合歟儻有合歟後之治國故者討其  
勳績綜厥終始愀然於 尙書之不幸而垂空文亦一代得失  
之林也癸丑十月義甯陳三立



自序

臥病滄江忽驚歲晚藥鑪茶竈了此餘生時或半榻琴書一室  
嘯詠幾不知人世間有戰血元黃事卽平生少壯之所經歷與  
夫宦轍南北之所至久已付之過眼雲煙區區疏草亦何足存  
卽存亦何關時局之輕重雖然吾滋感矣是編起於光緒庚子  
訖於宣統辛亥十年之中數更事變庚子擢升京兆時值拳匪  
禍作都城不守仗

社稷之靈兩全權與東南各疆臣之力余忝任留臺從諸鉅公  
之後僥倖而立功名辛亥一役鎖鑰北門作牧爲諸侯長宜乎  
回旋有地矣而病莫能興竟不克登壇執牛耳以忠義激勵沿  
江連帥合羣策羣力舉手而扶危局雖一意孤行耿耿此心爲

中外所共諒揆諸天下自任匹夫有責之義清夜以思何能自解上無以對

君父下無以濟蒼生勇不足以戮賊誠不足以驅蠲徒緣一病乞請戢影於世運存亡危急之秋視自命爲英雄造時事者旨趣原不相符而究何裨於苞桑至計所爲廢書三歎不禁涕淚之縱橫也且余之編次此編不使隨劫灰以漸滅也亦非無故今日滄海橫流世變至亟矣二千數百年大經大法掃除殆盡杞人之憂誠不知其暨極

皇清典章制作足以百世昭垂不閱時而無人過問豈世道真有升降哉亦人心詖邪階之厲也是編所存於輶車臨莅之地近十年之吏治學術軍政度支河渠刑法諸大端不無關繫他

日海上孤臣山中逸老或有築野史亭如元遺山其人者出而  
網羅舊聞搜求遺事蔚成一朝實錄以信今而傳後則是編備  
供採擇於史乘未必無裨萬分之一至分任編校之役以速此  
書之成者僉階青太史暨諸君子襄助之力爲多例得備書宣  
統辛亥嘉平除夕庸盦主人自序於花近樓





庸宣尙書奏議

總目

京兆奏議一卷

清淮奏議一卷

大梁奏議四卷

三吳奏議二卷

兩湖奏議四卷

北洋奏議四卷

右共十六卷

德清俞陛雲編輯

荔波楊懿年

嘉善錢紹楨

貴陽陳瑜

平遠丁道源

平遠丁道津

邵陽魏允恭

會稽周蘇鼎

秀水嚴震

烏程周文鳳校勘

姪昌琛參校

男昌豫錄稿

庸盦尙書奏議

卷之一目錄

補授內閣侍讀學士謝

恩摺

光緒二十五年十月二十日

補授順天府府丞署理府尹謝

恩摺

光緒二十六年五月十八日

遵旨維持錢商四恆商業摺

光緒二十六年六月初七日

署理太僕寺卿謝

恩摺

光緒二十六年七月初七日

恭請聖安並陳京師近日情形摺

光緒二十六年八月初一日

派充留京辦事大臣謝

恩摺

光緒二十六年八月十二日

補授府尹謝

恩摺

光緒二十六年閏八月初十日

接任敬陳地方情形摺

光緒二十六年閏八月二十一日

開辦粥廠以惠災黎摺

光緒二十六年十月十六日

顛懇 回鑾摺 光緒二十六年十月十六日

推廣粥廠兼設煖廠片 光緒二十六年十一月初三日

催解備荒經費摺 光緒二十六年十二月初一日

順屬地方凋敝籌辦善後摺 光緒二十七年正月十二日

平糶局官車局請免報銷片 光緒二十七年正月十二日

補授豫藩謝 恩摺 光緒二十七年三月二十日

二次顛懇 回鑾摺 光緒二十七年五月初二日

派員接收衙署摺 光緒二十七年七月十三日

創設西文東文小學堂以牖民智摺 光緒二十七年七月十三日

貢院被毀情形片 光緒二十七年七月十三日

陳報交卸尹篆摺 光緒二十七年八月初三日

錢商四恆前借內帑設法籌還片

光緒二十七年八月初三日

署理漕督謝恩摺

光緒二十七年十月二十三日

賞戴花翎謝恩摺

光緒二十七年十一月初一日



庸盦尙書奏議卷一

補授內閣侍讀學士謝

恩摺

光緒二十五年十月二十日

奏爲叩謝

天恩仰祈

聖鑒事光緒二十五年十月十九日內閣奉

旨內閣侍讀學士員缺著陳夔龍補授欽此跪聆之下感悚莫名伏念臣黔中下士戎部備員職襄九伐幸參龍武之新軍閣

三霄未覩鴻文之祕籍茲者恭承

芝檢

命侍樂階



錫寵自

天汗顏無地查內閣係絲綸之府出納省中學士列侍從之班

嫺嬛

天上如臣樛味深懼弗勝惟有淪溶新知商量舊學趨直北扉

贊

昭代右文之治廁身東觀讀生平未見之書以期仰酬

高厚生成於萬一所有微臣感激下忱理合恭摺叩謝

天恩伏乞

皇太后

皇上聖鑒謹

奏

補授順天府府丞署理府尹謝

恩摺

光緒二十六年五月十八日

奏爲叩謝

天恩仰祈

聖鑒事光緒二十六年五月十七日內閣奉

上諭順天府府丞一缺本日已於題本內簡放陳夔龍矣王培佑現在出差順天府府尹著陳夔龍署理欽此跪誦之下感悚莫名伏念臣十年郎署一介庸才紅滿藥階謬廁北扉之席青然藜閣幸窺

東觀之書茲復

簡授府丞兼權府尹自

天聞

命伏地增慚查府丞爲訓迪之官府尹重邦畿之寄兼扶馮難  
治之區寬猛惟期共濟值民教交訏之會撫綏尤貴持平樹味  
如臣深虞隕越敢存五日京兆之心勉策駑鈍幸近

九天閭闔之地稍効輕塵以期仰酬

高厚生成於萬一所有微臣感激下忱理合恭摺叩謝

天恩伏乞

皇太后

皇上聖鑒謹

奏

遵 旨維持錢商四恆商業摺

光緒二十六年六月初七日

奏爲遵

旨維持四恆商業謹擬試辦章程恭摺具陳仰祈

聖鑒事本月初五日臣夔龍仰蒙

召見面奉

慈諭以四恆開設最久關係京師市面應設法周轉等因竊維京師爲輦轂重地人煙輻輳平時本極靜謐自本年五月以來民教尋仇大柵圍珠寶市繁盛之區頃刻付之一炬燎火及於正陽門樓此誠二百年來未有之奇變

朝廷憫黎元之窮困慮市場之空虛特降

恩綸命臣設法補救遵即與臣舒懋晤商並傳集該商等明白

曉諭宣布

德音該商等感激

皇仁亟思整頓公同瀝懇前來臣等復悉心籌畫謹擬試辦章程八條繕具清單恭呈

御覽惟現在庫款支絀商情疲滯事關鉅帑臣等未敢擅便爲此合詞具奏伏乞

皇太后

皇上聖鑒訓示謹

奏

謹將維持四恆商業試辦章程八條繕具清單恭呈

御覽

一特頒鉅帑四恆開設歷有年所京師市面藉以流通今以鎊房被燬暫時周轉不開呈請封閉商民不免驚懼若不設法維持誠恐銀根愈緊各行失業

國計民生兩有關繫欽奉

布  
慈諭諄諄以頒發內帑保護商業爲言先後傳集四恆商人宣

天恩勉以大義據商等稱現在先行開發零票惟零票爲數無多難經開發市面仍覺壅滯惟有叩懇

恩施暫借官款銀一百六十萬兩仍應按照昭信股票定章生息

具限一年完繳等語查該商等所呈尙係實情惟值庫款支絀亦難籌此鉅款然非官爲接濟商力誠恐難紓應否發給官款以資周轉之處伏乞

聖裁

一慎重押款庫儲只有此數今以公家之款濟商家之急若不取有切實有著之款以爲抵押不特無此政體亦實無此行情據該商等呈稱當店匯號舊莊欠該商等之款約一百數十萬兩有借約可憑內務府歷年積欠之款約五十餘萬兩有印文可據綜此兩款足敷抵押擬令該商等將文契彙繳到官存案作爲抵款使此次頒發之帑不致虛懸無著

一取具保結此項官帑應請存儲戶部由該商等出具聯環保

結鈐蓋水印黏連領呈由戶部支領如頒發一百萬兩每家應領二十五萬兩但須分次支領不得一次領出如恆利領呈內應以恆和恆興恆源三家作保屆期不能完繳由三家攤還餘可類推

一酌定期限查錢莊銀行借款年限雖有不同大率以一年爲適中之數茲以

國幣濟商家之窮爲期太促則周轉不開遲之又久則鉅款虛擲今欲體恤商情則歸還之期擬以一年爲斷其已屆一年如何分次歸款及未到一年即行完繳者聽戶部一面收款一面即將押款發還

一劃清界限此項官幣專爲流通現時市面起見凡平時他人



積欠該商等之款及該商等積欠他人之款應令各歸各款自  
爲經理不得挪用此項官帑暗中彌補致啓糾葛而滋虧累如  
有以官帑彌補私虧者一經查出定將該商等送官究治並將  
官帑追繳一家無著三家攤賠

一分別存欠凡憑票取銀者謂之存票以銀存寄該商鋪按月  
生息者謂之息票四恆一經開市則持票取銀者勢必紛紛擁  
擠若不分別辦理誠恐應付不給倘再因之歇業時局愈不可  
問今擬酌中定議凡存票在百兩以下者應隨到隨給千兩以  
下者三箇月內照給萬兩以下者六箇月內照給此專指存票  
而言至息票勿論數目多寡應俟此次官款如數繳還外再由  
該商等分期分次酌量歸款不得先顧私款致累公家